

SOS**অতি সংক্ষিপ্ত প্রশ্নোত্তর :**

*** ১। ডিপ্লোমা ইঞ্জিনিয়ারদের ৫টি কর্মক্ষেত্রের নাম লেখ।

বাকাশিবো- ২০১২, ১৩, ২৪

উত্তর : ডিপ্লোমা ইঞ্জিনিয়ারদের ৫টি কর্মক্ষেত্রের নাম নিচে দেওয়া হলো :

- ১) ইলেকট্রনিক্স বা মোবাইল ফোন মেরামত প্রতিষ্ঠান।
- ২) রেফ্রিজারেশন ও এসি মেরামত কারখানা।
- ৩) কম্পিউটার সার্ভিসিং ও অপারেশন সেন্টার।
- ৪) অটোক্যাড বা বাড়ির নকশা তৈরির ফার্ম।
- ৫) ওয়েল্ডিং বা মেকানিক্যাল ওয়ার্কশপ।

*** ২। আত্মকর্মসংস্থান কী?

বাকাশিবো- ২০০৩, ০৪, ০৫, ০৭, ০৮, ০৯,
১০, ১১, ১৬, ১৬'পরি, ১৭, ১৯, ২০

উত্তর : নিজের কর্মসংস্থান নিজে করাকে আত্মকর্মসংস্থান বলে অথবা কোনো প্রতিষ্ঠানে বেতনের বিনিময়ে চাকরি না করে নিজের মেধা, শ্রম এবং সীমিত সম্পদ কাজে লাগিয়ে স্বাধীনভাবে জীবিকা অর্জন করার পদ্ধতি হলো আত্মকর্মসংস্থান।

** ৩। স্ব-নিয়োজিত পেশা কাকে বলে?

বাকাশিবো- ২০০৪, ০৬, ১০, ১৫'পরি

উত্তর : যখন কোনো ব্যক্তি অন্যের অধীনে চাকরি না করে নিজের যোগ্যতা ও দক্ষতা ব্যবহার করে স্বাধীনভাবে কাজ করে অর্থ উপার্জন করেন, তাকে

স্ব-নিয়োজিত পেশা বলে। যেমন : একজন কাঠমিস্ত্রি নিজে আসবাবপত্র তৈরি করে বিক্রি করে জীবিকা নির্বাহ করলে সেটি তার স্ব-নিয়োজিত পেশা।

**** ৪। ক্ষুদ্র ব্যবসায় বলতে কী বোঝায়?**

বাকাশিবো- ২০০৪, ০৮, ১০

উত্তর : যে ব্যবসায় খুব অল্প মূলধন এবং স্বল্প জনবল নিয়ে ব্যক্তিগত উদ্যোগে শুরু করা হয়, তাকে ক্ষুদ্র ব্যবসায় বলে। এর প্রধান বৈশিষ্ট্য হলো এতে মূলধনের পরিমাণ ৩ কোটি টাকার বেশি হওয়া চলবে না এবং এটি পরিচালনা করা তুলনামূলক সহজ।

*** ৫। কর্মসংস্থানের প্রকারভেদ ও উৎসসমূহ কী কী?**

বাকাশিবো- ২০০৫, ০৬

উত্তর : জীবিকা অর্জনের জন্য কর্মসংস্থান প্রধানত দুই প্রকার। যথা :

- ১) বেতন বা মজুরিভিত্তিক চাকরি।
- ২) স্ব-নিয়োজিত পেশা বা আত্মকর্মসংস্থান।

SOS

সংক্ষিপ্ত প্রশ্নোত্তর :

***** ১। আত্মকর্মসংস্থান হিসেবে ব্যবসায়ের গুরুত্ব কী?**

বাকাশিবো- ২০০৩, ০৬, ১০, ১১, ১৪, ২০

উত্তর : চাকরির বাজারে যখন প্রতিযোগিতা অনেক বেশি থাকে, তখন নিজের কর্মসংস্থান নিজে করা ব্যবসায় শুরু করাই হলো শ্রেষ্ঠ বিকল্প। এর গুরুত্ব নিচে আলোচনা করা হলো :

i) অসীম আয়ের সুযোগ : চাকরিতে বেতন নির্দিষ্ট থাকে, কিন্তু ব্যবসায় শ্রম ও মেধা দিলে আয়ের পরিমাণ অনেক বৃদ্ধি করা সম্ভব।



- ii) অন্যের কর্মসংস্থান সৃষ্টি : একজন উদ্যোক্তা কেবল নিজের বেকারত্ব দূর করেন না, বরং তার প্রতিষ্ঠানে আরও অনেক বেকার মানুষের কাজের সুযোগ করে দেন।
- iii) বেকার সমস্যা সমাধান : আত্মকর্মসংস্থানের মাধ্যমে দেশের যুব সমাজকে জনশক্তিতে রূপান্তর করা যায়। যা দেশের বেকারত্ব কমায়।
- iv) জাতীয় অর্থনীতিতে অবদান : নতুন ক্ষুদ্র ব্যবসায় দেশের শিল্পায়নে সাহায্য করে। ফলে জাতীয় অর্থনীতিকে শক্তিশালী করে।
- v) ব্যক্তিত্ব ও সৃজনশীলতা : ব্যবসা করার মাধ্যমে একজন মানুষের নিজস্ব মেধা, সৃজনশীলতা এবং নেতৃত্বের গুণাবলি বিকশিত হয়।

*** ২। আত্মকর্মসংস্থানের উৎসগুলো কী কী?

বাকশিবো- ২০১৯, ২৪

উত্তর : বাংলাদেশে আত্মকর্মসংস্থান বা নতুন ব্যবসায় শুরু করার জন্য যে সকল উৎস বা প্রতিষ্ঠান থেকে কারিগরি ও আর্থিক সহায়তা পাওয়া যায় তা নিম্নে দেওয়া হলো :

- i) বিসিক (BSCIC) : বাংলাদেশ ক্ষুদ্র ও কুটির শিল্প সংস্থা।
- ii) বিএমইটি (BMET) : জনশক্তি, কর্মসংস্থান ও প্রশিক্ষণ ব্যুরো।
- iii) ব্যাংক ঋণ : বিভিন্ন সরকারি ও বেসরকারি ব্যাংক।
- iv) বেসরকারি সংস্থা (NGO) : ব্র্যাক, গ্রামীণ ব্যাংক, আশা ইত্যাদি।
- v) বিসিএসআইআর (BCSIR) : বাংলাদেশ বিজ্ঞান ও শিল্প গবেষণা পরিষদ।
- vi) যুব উন্নয়ন অধিদপ্তর : যুবকদের প্রশিক্ষণ ও ঋণের জন্য সরকারি সংস্থা।
- vii) বিআইটিএসি (BITAC) : বাংলাদেশ শিল্প কারিগরি সাহায্য কেন্দ্র।

viii) ইনভেস্টমেন্ট কর্পোরেশন অব বাংলাদেশ (ICB) : বিনিয়োগের জন্য আর্থিক প্রতিষ্ঠান।

* ৩। ক্ষুদ্র ব্যবসায়ের পেশাগত সুবিধাগুলো লেখ।

বাকশির্বো- ২০১৮

উত্তর : পেশা হিসেবে ক্ষুদ্র ব্যবসায় পরিচালনা করার বিশেষ কিছু সুবিধা হলো :

- i) স্বল্প পুঁজি : খুব সামান্য টাকা দিয়ে এই ব্যবসায় শুরু করা যায়।
- ii) আইনি জটিলতা কম : বড় কোম্পানির তুলনায় ক্ষুদ্র ব্যবসায় শুরু করতে আইনি অনুমতি পাওয়ার ঝামেলা অনেক কম।
- iii) পরিবর্তনের সুযোগ : বাজারের চাহিদা অনুযায়ী খুব সহজে ব্যবসায়ের ধরন বা পণ্য পরিবর্তন করা যায়।
- iv) কর সুবিধা : অনেক ক্ষেত্রে ক্ষুদ্র ও কুটির শিল্পগুলো সরকারের কাছ থেকে কর সুবিধা পায়।
- v) সহজ পরিচালনা : অল্প কর্মী নিয়ে নিজের তত্ত্বাবধানে সরাসরি ব্যবসায় পরিচালনা করা সহজ।

*** ৪। আত্মকর্মসংস্থানের বৈশিষ্ট্য কী?

বাকশির্বো- ২০০৫, ১২, ১৭, ২২

উত্তর : আত্মকর্মসংস্থানের বৈশিষ্ট্য নিম্নে দেওয়া হলো :

- i) স্বাধীনতা : এই পেশায় কারোর আদেশ মেনে কাজ করতে হয় না। উদ্যোক্তা নিজেই নিজের বস।
- ii) পারিশ্রমিক নির্ধারণ : সেবা প্রদানকারী এবং সেবা গ্রহণকারীর মধ্যে আলোচনার মাধ্যমে কাজের পারিশ্রমিক ঠিক করা হয়।

- iii) দক্ষতা ও সুনাম : এই পেশার সফলতা ও প্রসার সম্পূর্ণভাবে ব্যক্তির নিজস্ব দক্ষতা এবং ভালো ব্যবহারের উপর নির্ভর করে ।
- iv) অল্প বিনিয়োগ : নিজের বাসস্থানে বসে খুব সামান্য পুঁজি বিনিয়োগ করে এই পেশা শুরু করা সম্ভব ।
- v) আয়ের সম্ভাবনা : শুরুর দিকে আয় কিছুটা অনিশ্চিত বা কম মনে হলে । ফলে অভিজ্ঞতা বাড়লে ভবিষ্যতে অনেক বেশি টাকা উপার্জনের সম্ভাবনা থাকে ।
- vi) ঝুঁকি গ্রহণ : এটি নিজস্ব উদ্যোগ তাই লাভ বা লোকসান উভয় ঝুঁকির দায়িত্ব উদ্যোক্তাকেই নিতে হয় ।

*** ৫। আত্মকর্মসংস্থান বলতে কী বোঝায়? বাকশিবো- ২০০৫, ০৯, ১৩, ১৪'পরি

উত্তর : নিজের কর্মসংস্থান নিজে করাকে আত্মকর্মসংস্থান বলে অথবা কোনো প্রতিষ্ঠানে বেতনের বিনিময়ে চাকরি না করে নিজের মেধা, শ্রম এবং সীমিত সম্পদ কাজে লাগিয়ে স্বাধীনভাবে জীবিকা অর্জন করার পদ্ধতি হলো আত্মকর্মসংস্থান ।

যেমনঃ ঘরে বসে হাঁস-মুরগি পালন করা, পোশাক তৈরি বা হস্তশিল্পের মাধ্যমে বাড়তি আয় করা ।

নিম্নে কয়েকজন বিশেষজ্ঞের মতে আত্মকর্মসংস্থানের সংজ্ঞা হলো :

- ১) ড. এ. এইচ. হাবিবুর রহমান-এর মতে : নিজের দক্ষতা ও গুণাবলির মাধ্যমে সেবাদানের বিনিময়ে অর্থ উপার্জন করাই হলো আত্মকর্মসংস্থান ।
- ২) এ. ই. ডেইন-এর মতে : এটি এমন একটি পেশা যেখানে বিশেষ জ্ঞান অর্জন করে অন্যকে পরামর্শ বা পথ নির্দেশনা দেওয়া হয় ।

SOS**রচনামূলক প্রশ্নোত্তর :**

*** ১। আত্মকর্মসংস্থানই কর্মসংস্থানের বিকল্প ব্যাখ্যা কর। অথবা বেকারত্ব নিসরনে আত্মকর্মসংস্থানের গুরুত্ব বর্ণনা কর। বাকাশিবো- ২০০৫, ০৬, ০৮, ০৯, ১০, ১১, ১২, ১৩, ১৪, ১৫'পরি, ২০, ২৪

উত্তর : আত্মকর্মসংস্থানই কর্মসংস্থানের বিকল্প নিম্নে ব্যাখ্যা করা হলো :

i) দারিদ্র্যতা দূরীকরণ : বাংলাদেশে জনসংখ্যার তুলনায় সম্পদ ও উৎপাদন বৃদ্ধি না পাওয়ায় দারিদ্র্যতা একটি বড় সমস্যা। ব্যবসায়িক উদ্যোগ গ্রহণের মাধ্যমে সম্পদের সঠিক ব্যবহার নিশ্চিত হয়। যা দারিদ্র্যতা বিমোচনে গুরুত্বপূর্ণ ভূমিকা পালন করে।

ii) বেকারত্ব দূরীকরণ : সরকারি ও বেসরকারি পর্যায়ে পর্যাপ্ত চাকরির অভাব থাকায় দেশে বেকার সংখ্যা দিন দিন বাড়ছে। এ অবস্থায় ব্যবসার মাধ্যমে বিপুলসংখ্যক মানুষ তাদের জীবিকা নির্বাহের পথ খুঁজে পেতে পারে।

iii) গ্রামীণ অর্থনীতি ও সমাজের ভারসাম্য রক্ষা : গ্রামের মানুষের কর্মসংস্থানের সুযোগ কম থাকায় তারা শহরমুখী হচ্ছে। যার ফলে শহরে চাপ বাড়ছে। গ্রামে ছোট ছোট ব্যবসা বা কুটির শিল্প স্থাপনের মাধ্যমে গ্রামীণ অর্থনীতি শক্তিশালী করা হয়। ফলে শহরের জনস্রোত নিয়ন্ত্রণ করা সম্ভব হয়।

iv) জনশক্তির সদ্যবহার : বিশাল জনসংখ্যাকে যদি সঠিক প্রশিক্ষণের মাধ্যমে ব্যবসায়িক কাজে লাগানো যায়। তবে তারা দেশের জন্য বোঝা না হয়ে সম্পদে পরিণত হবে। ব্যবসার মাধ্যমে এই বিশাল মানবসম্পদের উন্নয়ন নিশ্চিত করা যায়।

- v) যুবসমাজকে স্বনির্ভর করা ও দেশপ্রেমে উদ্বুদ্ধ করা : দেশের মোট জনসংখ্যার একটি বড় অংশ যুবক। চাকরি না পেয়ে বেকার যুবক-যুবতীরা অনেক সময় অপরাধমূলক কাজে লিপ্ত হয়। তাদের ব্যবসায়িক প্রকল্পে উদ্বুদ্ধ করলে তারা অর্থনৈতিকভাবে স্বাবলম্বী হবে এবং সমাজে শান্তি ফিরে আসবে।
- vi) স্বল্প মূলধন : বড় বড় শিল্প প্রতিষ্ঠান গড়তে প্রচুর টাকা ও যন্ত্রপাতির প্রয়োজন হয়। কিন্তু আত্মকর্মসংস্থানের জন্য কুটির শিল্প বা ছোট ছোট ব্যবসায় খুব সামান্য পুঁজি বিনিয়োগ করে সফল হওয়ার সম্ভব থাকে।
- vii) মানবমর্যাদা : প্রচলিত ধারণা ছিল যে লেখাপড়া করলে কেবল চাকরি করতে হবে। কিন্তু এখন এটি ভুল প্রমাণিত হয়েছে। অন্যের অধীনে চাকরি না করে আত্মকর্মসংস্থানের মাধ্যমে নিজেকে প্রতিষ্ঠিত করলে ব্যক্তি ও সামাজিক মর্যাদা বৃদ্ধি পায়।
- viii) অর্থনৈতিক উন্নয়ন : ব্যবসাকে পেশা হিসেবে গ্রহণ করলে ব্যক্তিগত আয়ের পাশাপাশি অন্যদের কর্মসংস্থানের সুযোগ হয়। এর ফলে মানুষের জীবনযাত্রার মান উন্নত হয় এবং দেশের সামগ্রিক অর্থনৈতিক উন্নয়ন ত্বরান্বিত হয়।

*** ২। ডিপ্লোমা ইঞ্জিনিয়ারদের নানাবিধ কর্মসংস্থানের তালিকা দাও।

বাকশিবো- ২০০৪, ০৯, ১২, ১৭, ১৯

উত্তর : ডিপ্লোমা ইঞ্জিনিয়াররা কেবল চাকরির উপর নির্ভর না থেকে তাদের মেধা ও কারিগরি জ্ঞানকে কাজে লাগিয়ে স্বাধীনভাবে আত্মকর্মসংস্থান তৈরি করতে পারে। এতে করে তারা নিজের আয় নিশ্চিত করার পাশাপাশি দেশের বেকারত্ব দূর করতে এবং অন্যদের জন্য কর্মসংস্থানের সুযোগ সৃষ্টি করতে সক্ষম হন।

ডিপ্লোমা ইঞ্জিনিয়ারদের নানাবিধ কর্মসংস্থানের তালিকা নিচে দেওয়া হলো :

i) সরকারি কর্মক্ষেত্রসমূহ : ডিপ্লোমা ইঞ্জিনিয়াররা দেশের বিভিন্ন গুরুত্বপূর্ণ সরকারি দপ্তরে উপ-সহকারী প্রকৌশলী হিসেবে কাজ করতে পারে। যেমনঃ

i. গণপূর্ত বিভাগ।

ii. পানি উন্নয়ন বোর্ড।

iii. বাংলাদেশ রেলওয়ে।

iv. সড়ক ও জনপথ বিভাগ।

v. বিদ্যুৎ উন্নয়ন বোর্ড।

ii) মেরামত ও সার্ভিসিং কেন্দ্র স্থাপন (আত্মকর্মসংস্থান) : নিজস্ব কারিগরি দক্ষতা কাজে লাগিয়ে তারা স্বাধীন ব্যবসায় প্রতিষ্ঠান গড়ে তুলতে পারে।

যেমন :

i. কম্পিউটার অপারেশন ও হার্ডওয়্যার মেরামত প্রতিষ্ঠান স্থাপন।

ii. মোবাইল ফোন, রেডিও, টিভি ও অন্যান্য ইলেকট্রনিক্স সামগ্রী মেরামত কেন্দ্র।

iii. রেফ্রিজারেশন ও এয়ারকন্ডিশনিং (AC) মেরামত ওয়ার্কশপ।

iii) নির্মাণ ও নকশা সংক্রান্ত কাজ : বিশেষ করে সিভিল ও আর্কিটেকচার ইঞ্জিনিয়ারদের জন্য এই ক্ষেত্রটি অত্যন্ত গুরুত্বপূর্ণ। যেমন :

i. অটোক্যাড বা গ্রাফিক্স সফটওয়্যার ব্যবহার করে আধুনিক বাড়ির নকশা ও ড্রয়িং তৈরি করা।

ii. ছোট বা মাঝারি আকারের কনস্ট্রাকশন প্রজেক্টের তদারকি বা ঠিকাদারি কাজ।

iv) মেকানিক্যাল ও উৎপাদনমুখী শিল্প : যান্ত্রিক দক্ষতা ব্যবহার করে ছোট বা মাঝারি কারখানা স্থাপন করা সম্ভব। যেমন :

- i. লেদ মেশিন বা মেকানিক্যাল ওয়ার্কশপ স্থাপন।
- ii. ওয়েল্ডিং বা ধাতব সামগ্রী তৈরির ঢালাই কারখানা স্থাপন।
- v) কারিগরি পরামর্শ ও প্রশিক্ষণ : অভিজ্ঞতা অর্জনের পর তারা বিশেষজ্ঞ হিসেবে কাজ করতে পারে। যেমন :
 - i. বিভিন্ন কারিগরি প্রকল্পের কনসালটেন্সি বা তদারকি করা।
 - ii. বেসরকারি ভোকেশনাল বা টেকনিক্যাল ট্রেনিং সেন্টারে প্রশিক্ষক হিসেবে কাজ করা।

*** ৩। ব্যবসায়ের সাফল্য ও ব্যর্থতার কারণ বর্ণনা কর।

বাকশিবো- ২০০৬, ০৭, ০৮, ০৯, ১৪, ১৬'পরি, ১৯, ২১

উত্তর : ব্যবসায়ের সাফল্য ও ব্যর্থতার প্রধান কারণগুলো নিচে বর্ণনা করা হলো :

ব্যবসায়ের সাফল্যের প্রধান কারণসমূহ

- i) সঠিক পরিকল্পনা : যেকোনো কাজের আগে একটি বাস্তবসম্মত পরিকল্পনা থাকা জরুরি। লক্ষ্য স্থির থাকলে গন্তব্যে পৌঁছানো সহজ হয়।
- ii) কঠোর পরিশ্রম ও ধৈর্য : ব্যবসা রাতারাতি বড় হয় না। এর জন্য প্রয়োজন দীর্ঘ মেয়াদি পরিশ্রম এবং প্রতিকূল সময়ে ধৈর্য ধরার ক্ষমতা।
- iii) সঠিক বাজার বিশ্লেষণ : গ্রাহক কী চায় এবং বাজারে কোন জিনিসের চাহিদা বেশি তা বুঝতে পারা সাফল্যের একটি বড় কারণ।
- iv) উন্নত গ্রাহক সেবা : গ্রাহক সন্তুষ্ট থাকলে ব্যবসা এমনিতেই বড় হয়। ভালো ব্যবহার এবং গুণগত মান বজায় রাখলে ক্রেতারা বারবার ফিরে আসেন।

v) দক্ষ ব্যবস্থাপনা : সঠিক মানুষকে সঠিক কাজে নিয়োগ দেওয়া। সময়মতো সঠিক সিদ্ধান্ত নিতে পারা সফলতার মূল ভিত্তি।

❖ ব্যবসায়ের ব্যর্থতার প্রধান কারণসমূহ :

i) পুঁজির অভাব : পর্যাপ্ত মূলধন না থাকা অথবা আয়ের চেয়ে ব্যয় বেশি করে ফেলা ব্যর্থতার অন্যতম কারণ।

ii) অভিজ্ঞতার অভাব : যে বিষয়ে জ্ঞান নেই, সেই বিষয়ে ব্যবসা শুরু করলে লোকসানের সম্ভাবনা বেশি থাকে।

iii) সঠিক স্থানের অভাব : ব্যবসাটি এমন জায়গায় হওয়া উচিত যেখানে টার্গেট কাস্টমার বা ক্রেতাদের সহজে নিকটে থাকে। ভুল জায়গায় দোকান বা অফিস নিলে বিক্রি কমে যায়।

iv) পণ্যের নিম্নমান : লাভের আশায় পণ্যের মান খারাপ করলে একসময় ক্রেতারা আস্থা হারিয়ে ফেলে।

v) বিপণন বা মার্কেটিংয়ের অভাব : আপনার পণ্য যতই ভালো হোক, মানুষ যদি সে সম্পর্কে না জানে, তবে তা বিক্রি হবে না। প্রচারের অভাব ব্যবসার বড় ক্ষতি করে।